



Letsatsi la Ngwaoboswa

Ndivhuho Mutsila

Thulisile Shongwe



Mo Aforikaborwa, Letsatsi la Ngwaoboswa ke letsatsi la boikhutso ka 24 Lwetse.

Buka e ka ga Letsatsi la Ngwaoboswa. O tlile go itse ka ga letsatsi le, le gore goreng le le botlhokwa mo Aforikaborwa.



Batho botlhe ba na le ditlholego. Setso sa rona ke karolo ya ngwaoboswa ya rona.

MaAforikaborwa a keteka ditso tse di farologaneng ka go kopana mo letsatsing le, e le malapa, merafe, mme e le setšhaba.

Aforikaborwa e na le dingwao tse di farologaneng mme gape re abelana dingwao.



MaAforikaborwa otlhe a na le ngwaoboswa e re leng motlotlo ka yone.

Ngwaoboswa ya Aforikaborwa e mebalabala e bile e mentle.

Dingwao tsa rona di na le dijo tse di farologaneng le dino, meaparo ya setso, dipina le mmino.



Dingwao tsa rona tse di farologaneng di na le ditumelo, meetlo, le magoro.
Mo Aforikaborwa batho ba bua dipuo tse dintsi tse di farologaneng. Naga e
na le dipuo tsa semmuso di le 12.



Dipuo tsa Semmuso tsa Letsatsi la Ngwaoboswa tsa Aforikaborwa:

Ilanga lamaGugu (isiNdebele)

USuku lwezaMafa (isiXhosa)

USuku lwamaGugu (isiZulu)

Letšatši la Bohwa (Sepedi)

Letsatsi la Botjhaba (Sesotho)

Letsatsi la Ngwaoboswa (Setswana)


Lilanga Lemagugu (Siswati)

Ɔuvha Ɔa Vhufa (Tshivenda)

Siku ra Ndzhaka (Xitsonga)

Erfenisdag (Afrikaans)

Heritage Day (English)



Ka nako ya tlhalele, 24 Lwetse e ne e itsege jaaka Letsatsi la Shaka.

Morago ga tlhalele, palamente e ne ya fetola Letsatsi la Shaka go nna Letsatsi la Ngwaoboswa. Ba ne ba le dira letsatsi le le ketekiwang ke MaAforikaborwa otlhe.

Re keteka dipharologano le kabelano ya ngwaoboswa ya rona.



Molaotheo wa Aforikaborwa o na le melao ya bothokwa e e re kaelang tsela. E akaretsa melao e e tshegetsang emang nokeng le go sireletsa ditshwanelo tsa rona.

Molaotheo wa re rotlhe re a lekana.

Ga go ope yo o kwa godimo ga yo mongwe.



Molaotheo wa re ope a se kgethololwe.

Re tshwanetse go tlotlana.

Rotlhe re na le ditshwanelo tse di tshwanang. Tsa puo, tumelo le ngwao.



Ka Letsatsi la Ngwaoboswa, MaAforikaborwa ba itumelela go opela dipina le go bina mmimo tsa setso.

Re rata gape go apaya dijo tsa rona tsa setso.


Bangwe ba tlotla badimo ba bona ka direto. Bangwe ba etela mabitla.



Batho ba apara meaparo ya mebalabala e mentle. Ba apara minwenda, seshweshwe, shibelane le tse dingwe.

Fa MaAforikaborwa a keteka Letsatsi la Ngwaoboswa, gape re lemoga le matshwao a rona a bosetšhaba.

Matshwao a bosetšhaba ke diphologolo le dijalo a e leng karolo ya ngwaoboswa ya rona.



Matshwao a bosetšhaba a Aforikaborwa ke a:

Tshepe ke phologolo ya bosetšhaba.

Ntsu ya mmala wa legodimo ke nonyane ya bosetšhaba.

Setlhare sa bosetšhaba ke Real Yellowwood.

Tšheše ya bosetšhaba ke Protea.

Tlhapi ya bosetšhaba ke Galjoen.



Dikolo di keteka Letsatsi la Ngwaoboswa pele le goroga.

Bana ba apara diaparo tsa bona tsa setso mme ba bolelele ba bangwe ka se ba se itseng ka ngwaoboswa ya bona.

Ba ja dijo tsa setso, ka dinko dingwe ba a di amogana kwa dikolong.



Keteko meletlo ya ngwaoboswa ya Aforikaborwa e tshwanetse go nna Aforika yotlhe.

Bana ba ba ipelang ba Aforika ba re:

Ke nna Namunya. Ke apere shuka.

Ke nna Adilah. Ke apere kaftan.

Ke nna Isoka. Ke apere gele.

Ke nna Sipho. Ke apere bhesu.

—Dipotso

1. Letsatsi la Ngwaoboswa le ketekiwa leng le goreng?
2. Neela matshwao a bošetšhaba a le mane a Aforikaborwa.
3. Kwala 'Ngwaoboswa' ka dipuo di le pedi tse o sa di bueng.
4. Ganetsanya ka ditshwanelo dingwe di le nne tse di tshegediwang le go sirelediwa ke Molaotheo wa Aforikaborwa.
5. Ke ditsela dife tse di farologaneng tse Ma Aforikaborwa ba ketekang Letsatsi la Ngwaoboswa ka teng?
6. Batla tshedimosetso ka ga mafelo a le matlhano a ngwaoboswa a fitlhelwang mo Aforikaborwa.
7. O tlhaloganya eng ka 'dipuo tsa semmuso'? Batla tshedimosetso ya dipuo dingwe tse tlhano tse di buiwang mo Aforikaborwa tse di seng mo dipuong tse 12 tsa semmuso.
8. A o nagana gore go tshwanetse ga nna le puo e le nngwe ya semmuso mo Aforika yotlhe? Tlhalosa.

—Dibuka tse di mo motseletseng o

- Letsatsi la Poelano
- Letsatsi la Kgololesego
- Letsatsi la Ngwaoboswa
- Letsatsi la Ditshwanelo tsa Botho
- Letsatsi la Basadi
- Letsatsi la Badiri
- Letsatsi la Bašwa

Kgang e tshamilwe le go kwalwa ka puo ya Tshivenda, jaaka karolo ya porojeke ya didirswa tsa go buisa ya Zenex Ulwazi Lwethu ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Letsatsi la Ngwaoboswa

Author/s: Ndivhuho Mutsila

Translator/s: Lorato Trok

Illustrator/s: Thulisile Shongwe

Assurer/s: Dineo Moatshe, Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

